

ՀԱՅԱՍՏԱՆԻ
ՀԱՆՐԱՊԵՏՈՒԹՅՈՒՆ
ՀԱՅԱՍՏԱՆԻ
ՀԱՆՐԱՊԵՏՈՒԹՅՈՒՆ

ՀԱՅԿԱԿԱՆ
ՀԱՐՑԸ
ԵՎ ՄԵԾ
ԵՂԵՌՆԸ

1876–2000

ՄԵԿԵՆԱՍՈՒԹՅԱՆ
ԱՐՄԵՆ և ԲԵՐՍԱԲԵ ՃԵՐԵՋԵԱՆ ՀԻՄՆԱԴՐԱՄԻ
ԱՄՆ

This Publication was made possible by
Armen and Bersabe Jerejian Foundation Inc.
USA



**ՀԵՂԻՆԱԿԸ ԻՐ ԽՈՐԻՆ ԵՐԱԽՄՈՎԱԳԻՄՈՎՈՒՄ
ՀԱՅՄՆՈՎՄՀԱՐԳԱՐԺԱՆ ՄԵԼԵՆԱՍԻՆ՝
«ԱՐՄԵՆ և ԲԵՐՍԱԲԵ ՃԵՐԵՋԵԱՆ ՀԻՄՆԱԴՐԱՄԻ»
ՊՐԵԳԻՂԵՆՏ
ԱՐՄԵՆ ՃԵՐԵՃԵԱՆԻՆ**

ՀԱՅԱՍՏԱՆԻ
ՀԱՆՐԱՊԵՏՈՒԹՅԱՆ

ԳԻՏՈՒԹՅՈՒՆՆԵՐԻ ԱԶԳԱՅԻՆ ԱԿԱԴԵՄԻԱ
ԱՐԵՎԵԼԱԳԻՏՈՒԹՅԱՆ ԻՆՍԻՏՈՒՏ

ԱԿԵՏԻՍ ՓԱՓԱՋՅԱՆ

ԺԱՄԱՆԱԿԱԳՐՈՒԹՅՈՒՆ
ՀԱՅԿԱԿԱՆ ՀԱՐՑԸ ԵՎ ՄԵԾ ԵՂԵՌՆԸ
(1876-2000 թթ.)

A 11
85996



ԵՐԵՎԱՆ 2000

947.925 „1876.”

NATIONAL ACADEMY OF SCIENCES OF ARMENIA
INSTITUTE OF ORIENTAL STUDIES

AVETIS PAPAZYAN

CHRONOLOGY
THE ARMENIAN QUESTION AND THE GENOCIDE
(1876-2000)

Yerevan — 2000



Տպագրվում է Յայաստանի գիտությունների
ազգային ակադեմիայի Արևելագիտության
ինստիտուտի գիտական խորհրդի որոշմամբ

ԴՏՀ 941(479.25)

ԳՄԴ 63.3(22)

Փ 311

Փափաղյան Ա.

Փ 311 Ժամանակագրություն: Հայկական հարցը և Մեծ եղեռնը.
(1876-2000 թթ.):—Երևան, «Զանդակ-97», 2000. — 48 էջ:

Այստիս Փափաղյանի աշխատասիրությամբ կազմված սույն ժամանակագրությունը որոշակի դադարիա և պատկերացում է տալիս Հայկական հարցի և Մեծ եղեռնի շուրջ ծավալված դեսպերի և ժամանակի փաստագրական իրադարձությունների մասին:

Նախատեսված է ընթերցող լայն հասարակության համար:

Փ 0503020913 2000
0003(01)-2000

ԳՄԴ 63.3(22)

ISBN 99930-2-096-6

© «Զանդակ-97», 2000

© Փափաղյան Ա., 2000

ԵՐԿՈՒ ԽՈՍՔ

2000 թվական, ապրիլ 24:

Հրացավ Հայոց Մեծ եղեռնի 85-րդ տարելիցը:

85 տարի առաջ տեղի ունեցավ 20-րդ դարի առաջին ցեղասպանությունը, որի ցավերը մինչև այսօր մորմոքում են վերապրողներին և նրանց ժառանգներին:

Այս օրերին Հայաստանում և Սփյուռքի բոլոր հայկական գաղթօջախներում տեղի են ունենում սգո և հսկումի երեկոներ: Հայաստանի Հանրապետության ղեկավարները, հոգևոր առաջնորդները, օտարերկրյա դիվանագետները, հյուրերը Ծիծեռնակաբերդի բարձունքում մեկ րոպե լրությամբ կրկին գլուխ են խոնարհում հավերժական կրակի առջև:

Առ այսօր, մի շարք երկրների խորհրդարաններ և կառավարություններ պաշտոնապես ճանաչել և դատապարտել են հայերի ցեղասպանությունը:

Գոհունակությամբ պիտք է նշել նաև, որ ՀՀ Նախագահ՝ Ռոպերտ Քոչարյանը ՄԱԿ-ի նստաշրջաններում և պետական պաշտոնական հանդիպումներում ելույթ ունենալով, տեսապես կոչ է ուղղում միջազգային հասարակությանը՝ ճանաչելու և դատապարտելու հայերի ցեղասպանությունը:

Հայկական հարցի ժամանակագրությունը սկսվում է 19-րդ դարի 70-ական թվականներից, սակայն նրա արծարծումը գոյություն է ունեցել ավելի վաղ, հանդիսանալով «Արևելյան հարցի» բաղկացուցիչ մասը:

19-րդ դարի վերջին քառորդին և 20-րդ դարի սկզբին արևմտահայության հետ առնչվող իրադարձությունների և ողբերգական ռեալքերի շուրջ հայ և օտար լեզուներով լույս են տեսել բազմաթիվ ուսումնասիրություններ, փաստաթղթերի ժողովածուներ, մենագրություններ, ականատեսի վկայություններ, հուշագրություններ, որտեղ հավաստի և վավերագրական նյութերի հիման վրա լիովին պարզաբանվել են

իրական եղելությունները:

Հայկական հարցը և Մեծ եղեռնի փաստը այսօր էլ առավել բուռն թափով շարունակվում է մնալ համաշխարհային պատմագրության, միջազգային հասարակայնության և առանձին պետությունների ուշադրության կենտրոնում։ Այն յուրովի մեկնաբանություն է գտել նաև թուրքական պատմագրության և պետական գործիչների հակահայկական քաղաքականության շրջանակներում, ուր ամեն ջանք գործադրովում է քողարկելու այդ ողբերգական դեպքերը, աղավաղելու պատմական ճշմարտությունը և հատկապես հերքելու Առաջին համաշխարհային պատերազմի ընթացքում տեղի ունեցած հայերի հայածանքներն ու կոտորածները։

Մինչդեռ, ամբողջ աշխարհին հայտնի է, թե ինչպես արյունոտ սուլթան Աբդուլ Համբիդը և հետագայում երիտթուրքերի կառավարությունը դաժան հայածանքների և կոտորածների միջոցով ձգտեցին լուծել հայկական հարցը Օսմանյան կայսրությունում, և ինչպես իրենց նենդ ու բարբարոսային քաղաքականությունը իրագործելու պատեհ առիթը հանդիսացավ Առաջին համաշխարհային պատերազմը…։

Իրականություն է նաև, որ Բեռլինի վեհաժողովից հետո, երբ Հայկական հարցը դարձավ եվրոպական տերությունների դիվանագիտական խարդախությունների շահագործման առարկա, այն ծանրագույն ողբերգական հետևանքներ ունեցավ թուրքական բռնապետության լծի տակ հեծող հայժողովով ճակատագրի համար։ Ինչպես ժողովրդական առածն է ասում՝ «Հոնքը սարքելու տեղ, աչքը հանեցին»։

Բոլոր դեպքերում պայքարը շարունակվում է։ Եվ հեռու չէ այն օրը, որ հայ ժողովրդի նկատմամբ կատարված բարբարոսային ցեղասպանությունը դատապարտվի միջազգային չափանիշով և արդար հատուցում ստանա նրա հողային պահանջատիրությունը։

Գիրքը նվիրվում է Մեծ եղեռնի 85-րդ տարելիցին։

1876 թ.

Դեկտեմբեր,- Կ. Պոլսում հրավիրվեց եվրոպական մեծ տերությունների դեսպանախորհուրդը Օսմանյան կայսրության քրիստոնիա ազգաբնակչության վիճակը բարելավելու համար։ Սակայն այն ձախողվեց «Մահմանադրություն» ազդարարող հրանոթների կեղծ համազարկի տակ։

1877 թ.

Ապրիլ 24,- Սկսվեց ռուս-թուրքական պատերազմը բալկաններում և պատմական Հայաստանի տարածքում, որն ավարտվեց Ռուսաստանի հաղթանակով։

1878 թ.

Մարտ 3,- Ռուսաստանի և Թուրքիայի միջև ստորագրվեց Սան-Ստեֆանովի պայմանագիրը, որի 16-րդ հոդվածը վերաբերում էր Արևմտյան Հայաստանում բարենորոգումներ անցկացնելու ծրագրին։

Մարտ 8,- Հայկական հարցը եվրոպական տերություններին ներկայացնելու և այնուհետև Բեռլինի վեհաժողովին մասնակցելու նպատակով Կ. Պոլսից մեկնեց հայ պատվիրակությունը Մ. Խրիմյանի գլխավորությամբ։

Հունիս 13-հուլիս 13,- Տեղի ունեցավ Բեռլինի վեհաժողովը։ 61-րդ հոդվածը վերաբերում էր Օսմանյան կայսրության հայաբնակ վայրերում բարենորոգումներ անցկացնելու ծրագրին։

Օգոստոս,- Վանում ստեղծվեց «Սև խաչ» գաղտնի կազմակերպությունը։

1879 թ.

Օգոստոս,- Սուլլիթանական թուրքիան սկսեց բացահայտորեն գործադրել իր հայահալած քաղաքականությունը։

1880 թ.

Օգոստոս 30,- Բարձրագույն դռան հրամանով արդիլվեց Հայաստան և հայրենահրական անվանումների ու նկարների օդտագործումը։

Սեպտեմբեր 7,- Եվրոպական տերությունները համատեղ հուշագիր ներկայացրին Թուրքիայի արտաքին գործերի նախարարություն։ Մատնանշելով հայաբնակ վայրերում շարունակվող կեղեքումները, պահանջվում էր կյանքի կոչել բարենորոգումներ անցկացնելու ծրագիրը։

Արևմտահայերին օսմանյան ծանր լծից ազատագրելու նպատակով սկսվեց հայ ֆիդայական (հայդուկային) խմբերի կազմավորումը, որն ավելի աշխուժացավ 1894-96 թթ. կոտորածների ընթացքում և հետագայում։

1881 թ.

Մայիս,- Կարինում ստեղծվեց «Պաշտպան Հայրենյաց» գաղտնի կազմակերպությունը, ինչպես նաև «Զինակիր» խումբը։

1884 թ.

Հունիս,- Թուրքական հարկային կեղեքումների ռեմ ապստամբությունը բռնկվեց Զեյթունում։

1885 թ.

Վանում ստեղծվեց առաջին հայկական ազգային քաղաքական կուսակցությունը՝ «Արմենական կազմակերպությունը»։

1887 թ.

Ժնևում կազմակերպվեց Հնչակյան կուսակցությունը։

1889 թ.

Մայիս 21,- Ստեղծվեց «Իթթիհատ վե թերաքքի» («Միություն և առաջադիմություն») նախնական անվանումը՝ «Օսմանյան միության կազմակերպություն» թուրքական քաղաքական կուսակցությունը, որը Առաջին համաշխարհյան պատերազմի ընթացքում իրագործեց հայերի ցեղասպանությունը։

1890 թ.

Թիֆլիսում կազմակերպվեց Հայ հեղափոխական դաշնակցություն կուսակցությունը։

Հունիս 20,- Տեղի ունեցավ ընդհարում թուրքական զորքի և կարինի անգեն հայ բնակչության միջև:

Հուլիս 19,- Կ. Պոլսում Հնչակյան կուսակցությունը կազմակերպեց «Գում-Գափու»ի ցույցը:

1891 թ.

Սուլթան Արտուր Համիդը հայերի ազգային ազատագրական պայքարը ճնշելու համար քյուրդ ֆեղախմբերից կազմակերպեց «Համիդիե» անկանոն զորագնդերը:

1894 թ.

Օգոստոս 1,- Մկավեց Սասունի հերոսական ինքնապաշտպանությունը: Տեղի ունեցան կոտորածներ թուրքական կանոնավոր բանակի և «Համիդիե» զորագնդերի կողմից:

1895 թ.

Հունվար 23,- Մեծ տերությունների Կ. Պոլսի ղետպանների պահանջով Սասուն ժամանեց թուրքական կառավարական քննիչ հանձնաժողովը հայերի կոտորածների հանցագործներին բացահայտելու համար:

Փետրվար 8,- Կ. Պոլսի Հայոց Պատրիարք Մատթեոս Իզմիրլյանը թուրքիայի արդարադատության նախարար Ռըզա փաշային ուղղված ուղերձում (թաքրիր) մանրամասն տեղեկացնում է հայաբնակ վայրերում հայերի հանդեպ կատարվող հակաօրինական արարքների, կեղեքումների և սպանությունների մասին:

Մայիս 11,- Կ. Պոլսի՝ Անդլիայի, Ֆրանսիայի և Ռուսաստանի ղետպանները հայկական բարենորոգումներ ներկայացնող նախագիծը ներկայացրին Բարձրագույն դուռ:

Սեպտեմբեր 30,- «Մայիսյան բարենորոգումների ծրագիրը» կյանքի կոչելու պահանջով Հնչակյան կուսակցությունը բողոքի ցույց կազմակերպեց Կ. Պոլսում (Պատը Ալիի ցույցը):

Հոկտեմբեր 5-նոյեմբեր 1,- Արևմտահայերի զանգվածային կոտորածներ Կ. Պոլսում և հայաբնակ վայրերում:

Հոկտեմբեր 12,- Ապստամբություն Զեյթունում:

1896 թ.

Հունիս 3,- Սկսվեց Վանի հերոսական ինքնապաշտպանությունը:

Օգոստոս 14,- Հայկական բարենորոգումներին եվրոպական տերությունների ուշադրությունը ըևեռելու համար Դաշնակցություն կուսակցությունը կազմակերպեց Կ. Պոլսի «Բանկ Օթոմանի» գրավումը:

Օգոստոս,- Հայերի զանգվածային կոտորածներ Կ. Պոլսում:

1897 թ.

Հուլիս 25,- Դաշնակցություն կուսակցությունը կազմակերպեց Խանասորի արշավանքը:

1901 թ.

Նոյեմբեր 1-27,- Տեղի ունեցավ ազգային ազատագրական շարժման հերոս Անդրանիկի ջոկատի և թուրքական զորամասերի կոխվը Ս. Առաքելոց վանքում:

1902 թ.

Հուլիս 4-7,- Բրյուսելում տեղի ունեցավ միջազգային կոնֆերանս հայկական հարցի արդարացի լուծման համար:

1904 թ.

Փետրվար-մայիս,- Տեղի ունեցավ Սասունի հերոսական ինքնապաշտպանությունը:

1905 թ.

Հուլիս 21,- Դաշնակցություն կուսակցությունը մահափորձ նախաձեռնեց Սուլթան Աբդուլ Համիդի դեմ:

1906 թ.

Հայ հասարակական քաղաքական գործիչ Պողոս-Նուբար փաշալի նախաձեռնությամբ Կահիրեւում հիմնադրվեց Հայկական բարեգործական ընդհանուր միությունը:

1908 թ.

Հունիս 24,- Երիտթուրքերի հեղաշրջումը Օսմանյան

կայսրությունում: Վերականգնվեց 1876 թ. «Սահմանադրությունը»:

1909 թ.

Մարտ 31-ապրիլ 13,- Աստանայի և շրջակա հայության կոտորածը:

1910 թ.

Ստեղծվեց «Հայ օդնության միությունը» դաշնակցական գործիչ Ակնունու (Խ. Մալումյան) նախաձեռնությամբ (նախնական անվանումները՝ «Դաշնակցության կարմիր խաչ», «Հայկական կարմիր խաչ»):

1911 թ.

Փետրվար 14,- Կ. Պոլսի Հայոց Պատրիարք Հովհաննես Արշարունին թուրքիայի արդարադատության նախարարին ուղղված ուղերձում (թաքրիր) տեղեկացնում է հայաբնակ գավառներում տեղի ունեցող թուրք պաշտոնատար անձանց անօրինական արարքների, հայերի սպանության և ունեցվածքի հափշտակման մասին:

1912 թ.

Հոկտեմբեր 9,- Սկսվեց բալկանյան պատերազմը, որին մասնակցեց Անդրանիկը իր ջոկատով:

Նոյեմբեր 10,- Կաթողիկոս Գևորգ 5-րդը հատուկ կոնտակով ստեղծեց «Ազգային պատվիրակություն» հանձնախումբը Պողոս-Նուբար փաշայի գլխավորությամբ:

1913 թ.

Հուլիս 3-24,- Քննարկվեց Կ. Պոլսի ռուսական դեսպանատան խորհրդական Ա. Մանդելշդամի խմբագրությամբ կազմված Արևմտյան Հայաստանի բարենորոգումներին վերաբերող նախադիմը:

1914 թ.

Փետրվար 8,- Մեծ տերությունների և թուրքիայի կողմից ստորագրվեց հայկական բարենորոգումների ծրագիր: Որպես կառավարիչներ Կ. Պոլիս ժամանեցին՝ հոլանդացի

Վեսթենենկը և նորվեկիացի Հոֆֆը: Առաջին համաշխարհային պատերազմի ծագումով ծրագիրը մնաց թղթի վրա:

Հուլիս 23,- Ռուսական բանակի շարքերում, Արևմտյան Հայաստանը ազատագրելու նպատակով, նախաձեռնվում է կազմակերպել հայ կամավորական ջոկատներ:

Օգոստոս 1,- Մկավեց Առաջին համաշխարհային պատերազմը:

Հոկտեմբեր 20,- Ռուսաստանը պատերազմ հայտարարեց Թուրքիային:

1915 թ.

Մկրտներին,- Արևմտահայերին տեղահանելու և բնաջնջելու նպատակով տեղի ունեցավ «Իթթիհատ վե թերաքքի» («Միություն և առաջադիմություն») կուսակցության կենտրոնական կոմիտեի գաղտնի նիստը:

Դեկտեմբեր 16,- Թուրքական կառավարությունը չեղալ հայտարարեց 1914 թ. փետրվարի 8-ին ստորագրած հայաբնակ նահանգներում բարենորոգման դործադրման ծրագիրը:

Ապրիլ 24 լուս 25-ի գիշերը,- Հայոց Մեծ եղեռնի սկիզբը: Կ. Պոլսում 800 հայ մտավորականների ձերբակալումը, աքսորն ու սպանությունը:

Ապրիլ 26,- Կ. Պոլսի Հայոց Պատրիարք՝ Զավեն Արքեպիսկոպոսի կողմից հաջորդաբար Մեծ Վեզիր Սալիդ փաշային է ներկայացվում երկու ուղերձներ (թաքրիր), որտեղ, նկատի ունենալով արևմտահայության օրհասական ծանր կացությունը, նախազգուշացվում է միջոցներ ձեռնարկել կանխելու սպասվող ահավոր աղետը:

Հայերին տեղահանելու և կոտորելու նպատակով գաղտնապես ստեղծվեց «Թեշքիլաթ-ը մահսուսեն» (հատուկ կազմակերպություն): Այն գլխավորում էր «Միություն և առաջադիմություն» կուսակցության կենտրոնական կոմիտեի անդամ՝ դոկտ. Բեհաէդդին Շաքիրը:

Հայերի տեղահանության և կոտորածի գաղտնի

Հրամանը չկատարելու համար պաշտոնագրկվեցին մի շաբք թուրք գործիչներ. Անկարայի վալի (նահանգապետ) Մազհար բեյը, Քաստամունիի վալի Ռեշիդ փաշան, Յողղաթի նախկին մութասարրիֆ՝ (Սանջակի կառավարիչ) Զեմալ բեյը, Բալուի մութասարրիֆի տեղակալ՝ Ալի Իլմի բեյը, Քյոթահիայի մութասարրիֆ՝ Ֆայիք Ալի բեյը, Գոնիայի և այնուհետև Հալեպի վալի՝ Զելալ բեյը, Դիարբեքիրի վալիի երկու տեղակալները. Պատապարտվեցին մահվան, ևայլ:

Ապրիլ և հետագա ամիսներին,- ինքնապաշտպանության կռիվներ՝ Վանում, Շապին-Գարահիսարում, Զեյթունում, Մուսա Լեռում, Ուրֆայում, Հաջընում, Յողղաթում, Սասունում, Մուշում, Շատախում:

Մայիս 8,- Արամ Մանուկյանը նշանակվում է Վանի նահանգապետ:

Մայիս 21,- Թուրքական կառավարությունը հրապարակեց օրենք (3 կետերից) ուղարկան գոտուց հայերի տեղահանության և պատժամիջոցների մասին:

Մայիս 24,- Անդիայի, Ֆրանսիայի և Ռուսաստանի կառավարությունները համատեղ հուշագիր ներկայացրին երիտթուրքերի կառավարության՝ անհապաղ դադարեցնելու հայերի կոտորածները Օսմանյան կայսրությունում:

Մայիս 26,- Թուրքական կառավարությունը որոշում ընդունեց հայերի լքյալ գույքերի մասին, բայց այն մնաց թղթի վրա:

Մայիս 30,- Թուրքական կառավարությունը հաստատեց արևմտահայերի նկատմամբ արդեն գործադրվող «Տեղահանության ժամանակավոր օրենքը»:

Մայիս 31,- Մուլթան Մեհմեդ Ռեշադի հրամանագրով Զեյթունը վերանվանվեց Մուլեյմանիե:

Հունիս 15,- Կ. Պոլսի «Մուլթան Պայազիտ»ի հրապարակում կախաղան բարձրացվեցին Հնչակյան կուսակցության 20 անվեհեր ղեկավար գործիչներ:

1916 թ.

Անողոքաբար շարունակվեց հայերի բնաջնջումն ու տեղահանությունը դեպի Սիրիայի անապատները: Ամբողջ Օսմանյան կայսրությունում զոհ գնացին ավելի քան մեկուկես միլիոն անմեղ հայեր: Արևմտյան Հայաստանը հայաթափվեց: Մեծ Եղեռնի ընթացքում ավերվեցին և հողին հավասարվեցին 1629 վանքեր, եկեղեցիներ, մատուռներ: Հրկիզվեցին հազարավոր մագաղաթյա հնագույն ձեռեղբեր և պաշտամունքային մասունքներ:

Մարտ 6,- Անգլիայի և Ֆրանսիայի միջև տեղի ունեցավ «Սայքս-Փիքո»յի գաղտնի համաձայնագիրը՝ Օսմանյան կայսրության տարածքը բաժանելու մասին, որտեղ անտեսվեց Արևմտյան Հայաստանն ու հայկական հարցը:

Հոկտեմբեր 27,- Լոնդոնում համաձայնություն կնքվեց Հայկական լեզիոն (զորագունդ) ստեղծելու մասին:

1917 թ.

Նոյեմբեր 7,- Ռուսաստանում տեղի ունեցավ Հոկտեմբերյան սոցիալիստական հեղափոխությունը:

Դեկտեմբեր 29,- Խորհրդային Ռուսաստանի ժողկումսովետը ընդունեց «Թուրքահայաստանի մասին դեկրետ»ը (վերականգնելու հայ ժողովրդի իրավունքները Արևմտյան Հայաստանում): **Մնաց թղթի վրա:**

1918 թ.

Փետրվար,- Սկսվեց թուրքական բանակի լայնածավալ հարձակումն ու առաջինաղացումը Հայաստանի տարածքի վրա:

Մարտ 3,- Ստորագրվեց Բրեստ-Լիտովսկի հաշտության պայմանագիրը, ըստ որի Ռուսաստանը թուրքիային էր զիջում Արևելյան Հայաստանի որոշ մասը և Արևմտյան Հայաստանի ամբողջ տարածքը:

Մայիս 21-28,- Տեղի ունեցավ Սարդարապատի հերոսական ճակատամարտը:

Մայիս 23-29,- Տեղի ունեցան Բաշ-Աբարանի և Ղարաքիլիսեի (այժմ՝ Վանաձոր) հերոսամարտերը:

Մայիս 28,- Ազատ և անկախ Հայաստանի Հանրապետության հռչակումը: Վարչապետ ընտրվեց Հովհաննես Քաջազնունին:

Հունիս 4,- Ստորագրվեց Բաթումի պայմանագիրը Օսմանյան կայսրության և նորաստեղծ Հայաստանի Հանրապետության միջև: Այն թուրքական կառավարության կողմից թելադրված ծանր պայմանագիր էր, որը կարճ ժամանակից հետո Հայաստանի Հանրապետությունը չեղյալ համարեց:

Սեպտեմբեր 19,- Հայկական լեգիոնը հաղթանակ տարավ Արարայի ճակատամարտում:

Հոկտեմբեր 30,- Ստորագրվեց Մուտրոսի զինադադարի պայմանագիրը: Թուրքիայի պարտությունը Առաջին համաշխարհային պատերազմում:

Նոյեմբեր 4,- Կ. Պոլսում Ահմեդ Իզզեթ փաշայի ղահլիճը որոշում կայսրության Օսմանյան կայսրությունը Առաջին համաշխարհային պատերազմի մեջ ներքաշելու և հայերի տեղահանությունն ու կոտորածը կազմակերպելու հանցանքով դատական պատասխանատվության ենթարկել երիտթուրքական կառավարության ղեկավարներին:

Այս թվականից սկսած մինչև 1923 թվականը թուրքերի կողմից զանգվածային նոր կոտորածներ տեղի ունեցան Կիլիկիայում, Արևելյան Հայաստանում և թուրքիայի հայբերնակ այլ վայրերում:

1919 թ.

Մարտ 8,- Հրապարակվեց սուլթան Մեհմեդ 6-րդ վահիդետինի կայսերական հրովարտակը՝ երիտթուրքական կառավարության ղեկավարներին և «Միություն և առաջադիմություն» կուսակցության պարագլուխներին դատելու մասին:

Ապրիլ 8,- Կ. Պոլսի Ռազմական արտակարգ ատյանը

Հրապարակեց Յոզեֆ Հայության տեղահանության և կոտորածի հանցագործներին վերաբերող դատավճիռը:

Ապրիլ 11,- Յոզեֆ Հայությանը կոտորելու ծանր հանցանքով Կ. Պոլսի «Սուլթան Պայազիտ»ի հրապարակում կախաղան բարձրացվեց Յոզեֆի մութասարիֆի տեղակալ՝ Քեմալ Բեյը:

Ապրիլ 27,- Կ. Պոլսում սկսվեց Երիտթուրքական կառավարության ղեկավարների և «Միություն և առաջադիմություն» կուսակցության կենտրոնական կոմիտեի անդամների դատավարությունը:

Մայիս 2,- Հրապարակվեց Կ. Պոլսի Ռազմական արտակարգ ատյանի Բյույուք Դերեի (Ստամբուլի արվարձաններից) տեղահանության հանցագործներին վերաբերող դատավճիռը:

Մայիս 22,- Հրապարակվեց Կ. Պոլսի Ռազմական արտակարգ ատյանի Տրապիզոնի հայության տեղահանության և կոտորածի հանցագործներին վերաբերող դատավճիռը:

Մայիս,- «Մերձավոր արևելքի ամերիկյան օդնության կոմիտե»ն օդնություն է կազմակերպում հայ որբերին և չքավոր ընտանիքներին:

Հունիս 21,- Կ. Պոլսում սկսվեց «Միություն և առաջադիմություն» կուսակցության շրջանային պատասխանատուքարտուղարների և այլ պաշտոնատար անձանց դատաքննության նիստերը:

Հուլիս 5,- Կ. Պոլսի Ռազմական արտակարգ ատյանի դատավճուվ մահվան դատապարտվեցին Թալեաթը, Զեմալը, Էնվերը, Դոկտ. Նազիմը: Այլ դատավճիռներով մահվան դատապարտվեցին նաև Դոկտ. Բեհաբելլին Շաքիրը, Տրապիզոնի վալի Զեմալ Ազմին, կուսակցության Տրապիզոնի պատասխանատուքարտուղար՝ Նայիլ Բեյը:

1920 թ.

Հունվար 8,- Կ. Պոլսի Ռազմական արտակարգ ատյանը

Հրապարակեց «Միություն և առաջադիմություն» կուսակցության շրջանային պատասխանատու քարտուղարների հայերի տեղահանության և կոտորածին վերաբերող դատավճիռը:

Հունվար 13,-Կ. Պոլսի Ռազմական արտակարգ ատյանը հրապարակեց Խարբերդի հայերի տեղահանության և կոտորածի հանցագործներին վերաբերող դատավճիռը:

Ապրիլ,-Սկսվեց Այնթապի հայության հերոսական ինքնապաշտպանական կոխվները թուրք բռնակալների դեմ, որը շարունակվեց մինչև 1921 թ. փետրվարը:

Ապրիլ 19,-Սան-Ռեմոյում (Իտալիա) տեղի ունեցած Անտանտայի պետությունների խորհրդաժողովում առաջարկություն եղավ ԱՄՆ-ի նախագահ Վ. Վիլսոնին ստանձնելու Հայաստանի մանդատը (հոգատարությունը):

Օգոստոս 10,-Ստորագրվեց Սկըրի (Փարիզի մոտակայքում) հաշտության պայմանագիրը Ավետիս Ահարոնյանի մասնակցությամբ: 88-93 հոդվածներով թուրքիան ճանաչում էր ազատ և անկախ Հայաստանի պետությունը: ԱՄՆ-ի նախագահ Վ. Վիլսոնի նախաձեռնությամբ ստեղծվելու էր մոտ 150 հազար քառ. կմ տարածքով Հայաստան մինչև Սկըսովի ափերը: Այն չվավերացվեց և չիրագործվեց կյանքում:

Հունիս 1,-ԱՄՆ-ի Ծերակույտը մերժեց նախագահ Վ. Վիլսոնի Հայաստանի վրա մանդատ հաստատելու առաջարկը:

Սեպտեմբեր 21,-Սկսվեց հայ-թուրքական պատերազմը:

Դեկտեմբեր 1,-Ադրբեջանի հեղափոխական խորհուրդը հայտարեց, որ ճանաչում է Լեռնային Ղարաբաղը, Զանգեզուրը, Նախիջևանը որպես Հայաստանի բաղկացուցիչ մասեր:

Դեկտեմբեր 2,-Հայաստանի Հանրապետության խորհրդանայինացումը:

Դեկտեմբեր 3,-Ստորագրվեց Ալեքսանդրապոլի հաշտության պայմանագիրը Հայաստանի և թուրքիայի միջև: Հայաստանը ունեցավ տարածքային ծանր կորուստներ:

1921 թ.

Փետրվար 1,- Հոնդոնում տեղի ունեցած խորհրդաժողովում Անգլիայի և Ֆրանսիայի կողմից օրակարգի հարց դարձավ Թուրքիայում «Հայկական ազգային օջախներ» ստեղծելու գաղափարը (հետագայում մնաց թղթի վրա):

Մարտ 15,- Բեռլինում Սովորում թեհլիրյանը ահաբեկեց Թուրքիայի ներքին գործերի նախարար՝ Թալեաթին:

Մարտ 16,- Մոսկվայում ստորագրվեց սովետա-թուրքական բարեկամության և եղբայրության պայմանագրի ըստ: Այն ուղղված էր Սերի պայմանագրի դեմ: Անտեսվեցին Հայաստանի շահերը, Թուրքիային զիջելով հայկական հողային տարածքներ (Կարսի նահանգը, Սուրմալիի և Նախիջևանի մարզերը ևայլն):

Հուլիս 5,- Ռուսաստանի Խորհրդային Համայնավար կուսակցության կովկասյան բյուրոն Ստալինի նախաձեռնությամբ որոշում կայացրեց Լեռնային Ղարաբաղի տարածքը Ադրբեյջանին հանձնելու մասին:

Հոկտեմբեր 1,- Կ. Պոլսում ստեղծվեց Ռամկավար ազատական կուսակցությունը:

Հոկտեմբեր 13,- Ստորագրվեց Կարսի պայմանագրի ըստ կողմից քեմալական Թուրքիայի և Հայաստանի, Ադրբեյջանի, Վրաստանի խորհրդային հանրապետությունների միջև: Տեղի ունեցան սահմանային ճշտումներ: Կազմավորվեց Նախիջևանի ինքնավար հանրապետությունը Ադրբեյջանի գերիշխանության տակ:

Դեկտեմբեր 6,- Հոռմում Արշավիր Շիրակյանը ահաբեկեց Մեծ Վեզիր Սայիդ Հալիմ փաշային:

1922 թ.

Ապրիլ 17,- Բեռլինում Արամ Երկանյանը և Արշավիր Շիրակյանը ահաբեկեցին «Թեշքիլաթ-ը մահսուսե»ի նախագահ Բեհաբեկին Շաքիրին և Տրապիզոնի նախկին նահանգապետ՝ Զեմալ Ազմիին:

Հուլիս 25,- Թիֆլիսում Պետրոս Տեր Պողոսյանը և Արտաշես Գևորգյանը Ահաբեկեցին ծովային նախարար՝ Զեմալ փաշային:

Օգոստոս 4,- Թուրքմենիստանի առաջին Հիսարյան հատուկ հեծյալ բրիդադի հրամանատար Հակոբ Մելքոնովի ձեռքով Զաղան Ղըշլաղում ահաբեկվեց էնվերը:

Սեպտեմբեր 9,- Իզմիրում սկսվեց հայ և հույն բնակչության կոտորածը քեմալական կանոնավոր զորքի կողմից:

1923 թ.

Հուլիս 24,- Ստորագրվեց Լոզանի հաշտության պայմանագիրը: Այն փոխարինեց Սևրի պայմանագրին, մոռացության տալով հայկական հարցը:

1924 թ.

Հուլիս 12,- Մեծ մարդասեր, նորվեգիացի գիտնական Ֆ. Նանսենի նախաձեռնությամբ Ազգերի լիգան որոշում կայացրեց «Նանսենյան» անձնագիր տրամադրել կոտորածից փրկված հայերին:

Ստեղծվեց Հայ Դատի հանձնախումբը:

1939 թ.

Օգոստոս,- Ֆաշիստական զորքերի (Օգոստոս 22) Լեհաստան ներխուժելու նախօրյակին Ա. Հիտլերը հայտարարեց. «Ո՞վ ի վերջո, այսօր խոսում է հայերի ոչնչացման մասին»:

1945 թ.

Նոյեմբեր 29,- Կաթողիկոս Գևորգ 6-րդը դիմեց ԽՍՀՄ-ն, ԱՄՆ-ի և Մեծ Բրիտանիայի կառավարություններին՝ Խորհրդային Հայաստանին միացնելու թուրքիացի տարածքում գտնվող Արևմտյան Հայաստանի հողերը:

1947 թ.

Ապրիլ 30,- Նյու Յորքում տեղի ունեցավ հայկական համաշխարհային վեհաժողով, որտեղ քննարկվեցին հայերի հողային պահանջառիրությունը և դեպի հայրենիք ներգաղթ

կազմակերպելու հարցերը:

1948թ.

Դեկտեմբեր 9,- ՄԱԿ-ի գլխավոր ժողովը որոշում ընդունեց ցեղասպանության հանցագործությունը կանխելու և դրա համար պատիժներ սահմանելու, ինչպես նաև այն մասին, որ ցեղասպանությունը վաղեմության ժամկետ չունի:

1953թ.

Մայիս 30,- ԽՍՀՄ-ի կառավարությունը պաշտոնապես հրաժարվեց Հայաստանին վերաբերող հողային պահանջատիրությունից:

1965թ.

Ապրիլ 20,- Ռւբուգվայի Արևելյան հանրապետության ծերակույտի և ներկայացուցիչների Պալատի միացյալ ժողովում ընդունվեց օրենք հայ նահատակների հիշատակի օրվա առթիվ:

Ապրիլ 24,- Աշխարհի մոտ 25 երկրներում նշվեց Մեծ եղեռնի 50-ամյա տարելիցը և հարդանքի տուրք մատուցվեց անմեղ զոհերի հիշատակին:

Էջմիածնի մայր տաճարի բակում կանգնեցվեց հուշարձան՝ «Խաչքար աղոթքի և ուխտի, ի հիշատակ 1915 թվականի չարագործության զոհ դարձած հայերի»:

Մեծ եղեռնի զոհերի հիշատակին հուշարձան կանգնեցվեց նաև Կալիֆորնիա նահանգի Մոնթեբելլո հայահոծքաղաքում:

Հետագա տարիներին Հայաստանում և Աշխարհի հայբունակ բոլոր վայրերում հիմնադրվեցին և բացումը կատարվեցին Մեծ եղեռնի անմեղ զոհերի հիշատակին կառուցված հուշարձանների:

Հուլիս 15,- Հելսինքիում կայացած խաղաղության կողմնակիցների համաշխարհային վեհաժողովը դատապարտեց Օսմանյան կայսրությունում տեղի ունեցած 1915-ի ցեղասպանությունը:

1967 թ.

Նոյեմբեր 28,-Երևանում Միծհոնակաբերդի բարձունքի վրա բացվեց 1915 թ. Մեծ եղեռնի զոհերի հիշատակին նվիրված հուշարձան կոթողը:

1970 թ.

Սկզբներին,-Ստեղծվեց «Հայաստանի ազատագրության հայ գաղտնի բանակը»:

1972 թ.

Վաշինգտոնում ստեղծվեց Ամերիկայի հայկական համագումարը՝ հայկական հարցի և Մեծ եղեռնի հարցերի տեղեկատվության ու պաշտպանության կազմակերպություն:

1973 թ.

Ապրիլ 24,-Ֆրանսիայի Մարտել քաղաքում կանգնեցվեց հուշարձան 1915 թ. Մեծ եղեռնի զոհերի հիշատակին:

1973 թ.

Հուլիս,-ՄԱԿ-ի ռասիզմի ու ցեղասպանության կանխման հանձնաժողովը քննարկեց 1915-ի հայոց Մեծ եղեռնը:

1974 թ.

Մարտ 6,-ՄԱԿ-ի Մարտու իրավունքների Հանձնաժողովը քննարկումների ընթացքում 1915-ի Մեծ եղեռնը ընութագրեց որպես 20-րդ դարի առաջին ցեղասպանություն:

1975 թ.

Ապրիլ 8,-ԱՄՆ-ի Կոնգրեսի ներկայացուցիչների պալատի ընդունած բանաձևում ճանաչվեց հայերի ցեղասպանությունը:

Ապրիլ 24,-Հունաստանի մայրաքաղաք Աթենքում, Իտալիայի Միլան քաղաքում, ինչպես նաև Լիբանանի մայրաքաղաք Բեյրութի մոտակայքում գտնվող Բիդֆայա գյուղում տեղի ունեցան 1915 թ. Մեծ եղեռնի զոհերի հիշատակին նվիրված հուշարձանների բացումը:

1978 թ.

Ապրիլ 24,-Ֆրանսիայի Լիոն քաղաքում կանգնեցվեց

Հուշարձան՝ Մեծ եղեռնի զոհերի հիշատակին:

1984 թ.

Ապրիլ 13-16,- Փարիզում «Ժողովուրդների միջազգային
առյան»ի գումարած նիստերում դատապարտվեց հայերի
ցեղասպանությունը և այն բնութագրվեց որպես միջազգային
չափանիշի հանցագործություն:

Ապրիլ 24,- Փարիզի Ալֆորվիլի շրջանում կանգնեցվեց
Հուշարձան՝ Մեծ եղեռնի զոհերի հիշատակին:

1985 թ.

Հուլիս-Դեկտեմբեր,- ԱՄՆ-ի Կոնգրեսի Վերին Պալատ՝
Ծերակույտում քննարկվեց հայերի ցեղասպանության հարցը:

Օգոստոս 27,- ՄԱԿ-ի Մարդու իրավունքների Հանձնա-
ժողովը քննարկեց Հայոց Մեծ եղեռնի հարցը և ընդունեց
դրական որոշում:

1987 թ.

Ապրիլ 24,- Գերմանիայի Շտուտգարտ քաղաքում կանգ-
նեցվեց խաչքար Հուշարձան՝ Մեծ եղեռնի զոհերի հիշա-
տակին:

Հունիս 18,- Ֆրանսիայի Ստրազբուրգ քաղաքում Եվրո-
պական խորհրդի ընդունած որոշման մեջ դատապարտվեց
հայերի ցեղասպանությունը:

1988 թ.

Փետրվար 20,- ԼՂԻՄ-ի մարզային խորհուրդը որոշում
ընդունեց դուրս գալ Ադրբեյջանի կազմից և միանալ Հայա-
տանին:

Սկսվեց Արցախի ազատագրության պայքարը:

Փետրվար 27-29,- Ադրբեյջանի Սումգայիթ քաղաքում
կազմակերպվեց հայերի ջարդ և տեղահանություն:

Հունիս 15,- Հայաստանի ԽՍՀ-յան Գերագույն խորհուր-
դը որոշում ընդունեց ԼՂԻՄ-ը Հայկական ԽՍՀ-յան կազմի
մեջ ընդունելու վերաբերյալ:

Նոյեմբեր,- Հայերի ջարդեր տեղի ունեցան Բաքվում,

Կիրովապատում և հայաբնակ այլ վայրերում:

Դեկտեմբեր 7,- Հայաստանում տեղի ունեցավ մեծ աղետ:
Ահավոր երկրաշարժը ցնցեց հայոց աշխարհը:

1989թ.

Ապրիլ 24,- Ավստրալիայի Սիդնեյ քաղաքում կանգնեցվեց հուշարձան Մեծ եղեռնի զոհերի հիշատակին:

Նոյեմբեր 22,- Հայաստանի Հանրապետության Գերագույն խորհուրդը ընդունեց օրենք. «Օսմանյան թուրքիայում 1915-ի հայերի ցեղասպանության դատապարտման մասին»:

1990թ.

Ապրիլ,- Երևանում տեղի ունեցավ միջազգային գիտաժողով նվիրված Մեծ եղեռնի 75-րդ տարելիցին:

Աշխարհի տարբեր երկրների գիտնականները իրենց ելույթներում դատապարտեցին հայերի ցեղասպանությունը:

1991թ.

Սեպտեմբեր 2,- Հռչակվեց Լեռնային Ղարաբաղի հանրապետությունը:

Սեպտեմբեր 21,- Հռչակվեց Հայաստանի անկախ հանրապետությունը:

Հոկտեմբեր 16,- Հայաստանի Հանրապետության նախադահությունը ընտրվեց Լևոն Հակոբի Տեր-Պետրոսյանը:

1994թ.

Ապրիլ,- Աշխարհի տարբեր երկրների խորհրդարաններում առանձին պետական գործիչներ և մտավորականներ իրենց ելույթներում, հարգանքի տուրք մատուցելով Մեծ եղեռնի զոհերի հիշատակին, դատապարտեցին հայերի ցեղասպանությունը:

Ապրիլ 22,- Ռուսաստանի Դաշնության Պետական դուման, քննարկելով 1915-ի հայերի ցեղասպանության հարցը, իր հայտարարության մեջ դատապարտեց Օսմանյան կայսրությունում թուրքական կառավարության կողմից գործադրության ցեղասպանությունը և իր կարեկցանքն հայունեց

հայ ժողովրդին:

Օգոստոս,- Վախճանվեց Ամենայն Հայոց Կաթողիկոս,
Հայաստանի Հանրապետության ազգային հերոս, Ն.Ս.Օ.Տ.Տ.
Վազգեն Առաջինը:

Նոյեմբեր,- Հունաստանի խորհրդարանը պաշտոնապես
ճանաչեց Հայոց Մեծ եղեռնը, Ապրիլի 24-ը ընդունելով
ցեղասպանության ենթարկված հայերի հիշատակի օր:

Նոյեմբեր 18,- Փարիզի ֆրանսիական 17-րդ պատժական
դատարանը պատմաբան Բերնար Լուիսի դեմ հարուցված
դատավճռի կապակցությամբ հաստատեց, որ 1915 թ. հայ
ժողովուրդը մարդկության դեմ գործված մի ոճիրի զոհն է
դարձած:

1995 թ.

Փետրվար 10,- իր մահից 77 տարի հետո Ստամբուլի
քաղաքապետարանի և կրոնական վարչության կողմից առա-
ջին անգամ լինելով նշվեց սուլթան Աբդուլ Համիդ Բ.-ի
մահվան տարեդարձը: Նույն օրերին լրացավ նաև Սասունի,
Օսմանյան կայսրության հայաբնակ վայրերի և Կ. Պոլսի
հայության կոտորածի 100-ամյա տարելիցը, որին զոհ գնացին
300 000 անմեղ հայեր:

Ապրիլ 4,- Էջմիածնի Ազգային եկեղեցական ժողովում
Ամենայն Հայոց Կաթողիկոս ընտրվեց Ն.Ս.Օ.Տ.Տ. Գարեգին
Ա. Սարգիսյանը:

Ապրիլ 7-8,- Լոս Անջելոսի UCLA համալսարանի հայ
ժողովրդի Արդի պատմության ամբիոնի նախաձեռնությամբ
տեղի ունեցավ հայերի ցեղասպանության 80-րդ տարելիցին
նվիրված միջազգային գիտաժողով:

Ապրիլ 14,- Ռուսաստանի Դաշնության Պետական Դուման
պաշտոնապես դատապարտեց 1915-1922 թթ. հայերի բնաջնջ-
ման կազմակերպիչներին և ապրիլի 24-ը հայտարարեց որպես
հայերի ցեղասպանության հիշատակի օր:

Ապրիլ 21-23,- Երևանում տեղի ունեցավ Մեծ եղեռնի

80-ամյակին նվիրված միջազգային համաժողով:

1996թ.

Ապրիլ 1,- Դանիել Հեճինյանի և «Ackerly» ծանուցողական ընկերության նախաձեռնությամբ Բոստոնի գլխավոր հրապարակների վրա Յ հսկա որմազդեր ամրացվեցին, որոնց վրա գրված էր. «Ժողովրդի մը հանդեպ գործված ոճիրը, ոճիր է մարդկության դեմ»: «Ապրիլ 24, 1915. Թուրքերի ցեղասպանությունը հայերի նկատմամբ»:

Ապրիլ 23,- Կանադայի խորհրդարանը, մեկուկես միլիոն զոհ խլած 1915 թ. ապրիլի 24-ի հայերի ցեղասպանության 81-րդ տարելիցի առիթով և ի հիշատակ մարդկության դեմ կատարված ոճիոների՝ յուրաքանչյուր տարվա ապրիլ 20-27 հոչակեց մարդկության դեմ գործված ոճիրի հիշատակի շաբաթ:

Նոյեմբեր 11,- Լոս Անջելոսում PBS KCET հեռուստատեսային կայանը մաս առ մաս ցուցադրեց «Մեծ պատերազմը և 20-րդ դարի ձևավորումը» վավերագրական ժապավենը: Այդ օրվա բաժինը նվիրված էր հայերի ցեղասպանության:

1997թ.

Ապրիլ 3,- Լիբանանի Հանրապետության խորհրդարանը բանաձև ընդունեց, ապրիլ 24-ը հոչակելով հայ ժողովրդի դեմ գործադրված կոտորածների հիշատակի օր:

Ապրիլի կեսերին,- Ղըրղըզիստանի նախագահ Ասկար Ակաևը իր Երևան այցելության օրերին ծաղկեալսակ դրեց Ծիծեռնակաբերդի Մեծ եղեռնի հուշարձանին: Իսկ մամլո ասուլիսի ընթացքում հայտարարեց, որ «1915 թ. Թուրքիայում հայերի դեմ ցեղասպանություն է գործադրվել»:

Հերթական ոմբահարման ենթարկվեց Ստամբուլի Էյուբ թաղամասում գտնվող Ս. Եղիա եկեղեցին: Նշենք, որ մինչ այդ փետրվարի 13-ին և 15-ին ոմբահարվեց նաև նույն շրջանում գտնվող Ս. Մարիամ Աստվածածին եկեղեցին:

Ապրիլ 21,- Կալիֆորնիայի նահանգային խորհրդարանը

բանաձև ընդունեց ապրիլ 24-ը նահանգում հռչակելով «Հայերի ցեղասպանության ոգեկոչման օր»:

Ապրիլ 22,-ԱՄՆ-ի նախագահ՝ Բիլ Քլինթոնը հանդես եկավ մի հայտարարությամբ, ուր դատապարտվում է 1915-1923 թթ. Օսմանյան կայսրությունում զոհ դնացած մեկուկես միլիոն անմեղ հայերի կոտորածները:

Հայ Համազգային Ընկերակցության պատվիրակությունը Կանադայի մայրաքաղաք Օտտավայի մեջ հանդիպում ունեցավ Ազատական կուսակցության Օնթարիո նահանգի վագոր անդամների հետ: Ներկայացված հուշադրի մեջ շեշտըվում էր, որ Կանադայի դաշնակցային խորհրդարանը պետք է ճանաչի հայերի ցեղասպանությունը: Նշենք, որ հայերի ցեղասպանությունը առ այսօր ճանաչված և դատապարտված է Օնթարիոյի և Քեբեքի նահանգների կողմից:

Ապրիլ 23,-Վաշինգտոնի ներկայացուցիչների Տան մեջ կոնգրեսական Ֆրենկ Փալոնիի ղեկավարությամբ տեղի ունեցավ հայերի ցեղասպանության ոգեկոչման և դատապարտման ընդլայնված նիստ:

Ապրիլ 24,-Կալիֆորնիայի նահանգապետ Փիթ Վիլսոնը ցավակցական հայտարարություն հրապարակեց Մեծ եղեռնի 82-րդ տարելիցի առթիվ:

Բրյուսելում հաստատված Քյուրղիստանի աքսորական խորհրդարանի գործադիր հանձնախումբը հատուկ հայտարարությամբ դատապարտեց Թուրքիայի ցեղասպանական քաղաքականությունը այլազգիների նկատմամբ, հատկապես կանգ առնելով հայերի ցեղասպանության վրա:

Հունվարի Քահանայապետական հայկական վարժարանի մեջ տեղի ունեցավ հայերի ցեղասպանության ոգեկոչման երեկո, ուր ելույթ ունեցան իտալիայի ակնառու քաղաքական գործիչներ, որոնք զորակցելով հայ ժողովրդին, գործնական առաջարկներ ներկայացրին Մեծ եղեռնի ճանաչման և դատապարտման խնդրում:

Ավստրալիայի Նյու Սառթ Վեյլս հայաշատ ամենամեծ նահանգի խորհրդարանը հատուկ բանաձևով միաձայն դատապարտեց 1915 թ. հայերի ցեղասպանությունը:

Ապրիլ 30,- Վաշինգտոնի կապիտոլ Հիլի մեջ տեղի ունեցավ հայերի ցեղասպանության ողեկոչման ձեռնարկ շուրջ 30 կոնգրեսականների, դիվանագետների, ակնառու մտավորականների և զանազան կազմակերպությունների ներկայացուցիչների մասնակցությամբ։ Ելույթ ունեցող ծերակուտականներն ու Ներկայացուցիչների Տան անդամները ընդդեմին, որ հայերի ցեղասպանությունը իր ճանաչումը պետք է գտնի Ամերիկայի և միջազգային հանրության կողմից։ Հատկապես Զո Քենեդին ցավ հայտնեց, որ ԱՄՆ-ի կառավարությունը դեռևս չի ճանաչել հայերի ցեղասպանությունը։

Մայիս 17-18,- Լոս Անջելոսի ԱՅԼԱ համալսարանում տեղի ունեցավ «Հայկական Վան-Վասպուրական»ին նվիրված միջազգային գիտաժողով՝ կազմակերպությամբ Հայ ժողովը ըստի պատմության ամբիոնի վարիչ՝ Պրոֆ. Ռիչարդ Հովհաննիսյանի։

Մայիսի վերջերին,- Կալիֆորնիայի նահանգային վարչության և ԱՄՆ-ի դաշնակցային կառավարության կողմից որոշվեց Լոս Անջելոսում Հայերի ցեղասպանության ողեկոչման թանգարանի կառուցման վայրը։ Այն կառուցվելու է Սան Ֆերնանդո Հովտի Վեստ Հիլզ շրջանում գտնվող հողաբլուրի վրա։

Հունիս 11-13,- Մոնրեալի Քոնքորդիա համալսարանում կայացավ «Յեղասպանության ակադեմականների ընկերակցության» Բ. համագումարը։ Ընդունված բանաձևում մատնանըշվեց, որ «1915-ին Թուրքիայում տեղի ունեցած զանգվածային սպանով ցեղասպանություն է, որը համապատասխանում է ՄԱԿ-ի Յեղասպանության կանխարգելման և պատժի Ռւխտագրի ոգուն»։

Հունիս 23,- Ստամբուլի «Հյուրիետ» թերթը տեղեկացրեց,

որ Բեյօղլուի քաղաքապետարանը հիմնահատակ քանդել է տվել Խասդյուղի և Օգմեցյանի Զըքսալանի հայ բողոքականաց եկեղեցին:

Հուլիս 14,- ՀՅԴ-ի Հայ Դատի հանձնախումբը և Թել Ավիվի հայությունը միահամուռ ըմբոստացան քաղաքային խորհրդի այն որոշման դեմ, ուր առաջարկվում էր Բեռնար Լուիսին տալ Թել Ավիվի Պատվո քաղաքացիություն: Այդ որոշման դեմ հակադրվեցին նաև մի շարք հրյա ակադեմականներ: Նշենք, որ Բեռնար Լուիսը ճայնակցելով թուրք պատմաբաններին, ուրանում է հայերի ցեղասպանությունը:

Սեպտեմբեր,- Բուռն բողոքի և բանավեճի առիթ տվեց Նյու Յորքի Էլիզ Այլենդ թանգարանից 1915 թ. հայերի ցեղասպանության վերաբերյալ լուսանկարների վերցվելը: Հայության ներդրած 20-օրյա թեժ պայքարից հետո նկարները վերստին տեղադրվեցին իրենց տեղերում:

Սեպտեմբերի կեսերին,- Զիկագոյի Դը Փոլ համալսարանի իրավագիտության պրոֆեսոր, ինչպես նաև Մարդկացին իրավունքների միջազգային կազմակերպության նախագահ՝ Մ. Բասիունի, Harvard-ի համալսարանի «Harvard human rights journal» հանդեսի մեջ լույս ընծայած հոդվածով առաջարկեց հիմնել «Միջազգային ոճիրների մնայուն դատարան»՝ մարդկության դեմ կատարվող ցեղասպանական արարքները դատապարտելու նպատակով: Այս առթիվ Մ. Բասիունի իր ուշադրությունը կենտրոնացրեց 1915 թ. հայերի ցեղասպանության դատապարտման հարցին:

Հոկտեմբեր,- ԱՄՆ-ի ներկայացուցիչների Տան հանրապետական անդամ Զիմ Ռոկանը (Կալիֆորնիա) իր պաշտոնակիցներին ուղղված նամակով կոչ արեց վերականգնել (H.C. Res. 55) հայերի ցեղասպանության վերաբերող բանաձեռ: Նշենք, որ հիշյալ բանաձեռը կոնգրեսին է ներկայացվել դեռևս 1997 թ. մարտին, կոնգրեսմեններ Զորջ Ռադանովիչի և Դեյվիդ Բոնիերի կողմից:

Հոկտեմբեր 4,- ՀՅԴ-յան Արևելյան Ամերիկայի հայ դատի հանձնախումբը, հայերի ցեղասպանության թուրքական ուրացումի դեմ, բողոքի ցուց կազմակերպեց Զիկագոյում, այն պանդոկի առաջ, ուր տեղի էր ունենում «թուրք-ամերիկ-յան ընկերակցություններ»ի 18-րդ տարեկան համագումարը:

Հոկտեմբեր 23,- Բելգիայի Հայ Գաղութային Վարչության նախաձեռնությամբ և քաղաքապետարանի նյութական օժանդակությամբ, **Բրյուսել քաղաքի հրապարակներից մեկում** տեղի ունեցավ **Մեծ եղեռնի զոհերին նվիրված խաչքար** հուշարձանի պաշտոնական բացումը:

Հոկտեմբեր 29,- Հաշվի առնելով միջազգային հանրության և հայկական կազմակերպությունների բողոքարկումները, **ՅՈՒՆԵՍԿՕ-ն բանաձև ընդունեց, որպեսզի Օսմանյան կայսրության 700-ամյակը նշվի միմիայն մշակութային բնույթ կրող միջոցառումներով:**

Հոկտեմբեր 31,- Մոնրեալի քաղաքապետ Պիեռ Բուրկը արտոնեց հայերի ցեղասպանության հիշատակին նվիրված հուշարձանի կառուցումը:

Նոյեմբեր 22,- Լոս Անջելոսի UCLA համալսարանում «Պատմական Հայաստանի քաղաքներն ու նահանգները» խորագրի տակ տեղի ունեցավ միջազգային երկրորդ գիտաժողովը: Զեկուցումները նվիրված էին պատմական Հայաստանի Տարոն, Մուշ և Բիթլիս նահանգներին: Գիտաժողովը կազմակերպել էր համալսարանի Հայ ժողովրդի պատմության ամբիոնի վարիչ՝ պրոֆ. Ռիչարդ Հովհաննիսյանը:

Դեկտեմբեր 5-13,- Բրյուսելի համալսարանի «Միջազգային հարաբերությանց ուսումնասիրման կենտրոնի» կազմակերպությամբ Առևուլից գյուղաքաղաքի մեջ տեղի ունեցավ միջազգային գիտաժողով, նվիրված հրեական ողջակիզումին, ուր քննարկման նյութ դարձավ նաև հայերի ցեղասպանությունը:

Դեկտեմբեր 12,- Ֆրանսիայի Լա Սիոտա քաղաքի հրա-

պարակներից մեկը կոչվեց 24 ապրիլ 1915 անունով։ Հուշատախտակի վրա արձանագրված է. «24 ապրիլ 1915-ի հրապարակ. հայկական ցեղասպանության զոհ դարձած 1,5 միլիոն հայ նահատակների հիշատակին, որը գործադրվեց այդ օրերի թուրք կառավարության կողմից»։

1998 թ.

Փետրվար 27,- Սումգայիթի ողբերգության տասներորդ տարելիցի առթիվ Ստեփանակերտի և Երևանի Շիծեռնակաբերդի հուշահամալիրներում կանգնեցված զոհերի հուշարձանների առջև տեղի ունեցան սղո արարողություններ։ Աշխարհի պետություններին և բոլոր հասարակական կազմակերպություններին ուղղված միացյալ հայտարարության մեջ պահանջվում է պաշտոնապես դատապարտել Սումգայիթում, Բաքվում, Գյանջայում և Աղրբեջանի այլ քաղաքներում տեղի ունեցած հայ բնակչության կոտորածները։

Մարտ,- Թուրքական և հայկական մամուլների հաղորդագրության համաձայն, Ուրֆայի մեջ հայերի և ասորիների չորս եկեղեցիներից երեքը փոխակերպված են մզկիթի, իսկ մեկն էլ վերածված է գորգաշինության աշխատանոցի։

Մարտ 5,- Կիպրոսի խորհրդարանը դատապարտեց թուրքիայի կողմից գրավված շրջանում գտնվող Ս. Մակարի վանքը կիպրացի թուրքերի կողմից պանդոկի վերածելու որոշումը։ Նշենք, որ 1974 թ. թուրքիայի կիպրոս ներխուժելու ընթացքում, թուրքական ուժերը թալանել և ավերել էին այն։

Մարտի կեսերին,- Ուրուգվայի կրթության վարչության որոշմամբ երկրորդ և երրորդ դասարանների պատմության դասագրքերում ընդդրկվեց հայերի ցեղասպանության վերաբերյալ նյութեր։ Դասագրքերում տեղ գտած նյութերի հեղինակն է Պրոֆ. Անահիտ Պալյան-Զեքմելյանը։

Մարտ 26,- ՄԱԿ-ի մոտ կիպրոսի դեսպանը, թուրքիայի կողմից գրավված կիպրոսի մշակութային կոթողների բնա-

Չընջման հարցով բողոքագիր ներկայացրեց ՄԱԿ-ի ընդհանուր քարտուղար Քոֆի Անանին: Բողոքագրում խոսվում է հայոց Ս. Մակար վանքի, ինչպես նաև հունական երեք եկեղեցիների մասին, որոնք վերածված են մզկիթների, իսկ մի այլ եկեղեցի օգտագործվում է որպես ախոռ:

Մարտ 27,- Բելդիայի ծերակույտը ձայների մեծամասնությամբ բանաձև ընդունեց, ուր ճանաչելով հայերի ցեղասպանությունը կոչ է անում Թուրքիային, որպեսզի ընդունի Օսմանյան կայսրության վերջին կառավարության կողմից հայերի ցեղասպանության փաստը: Բանաձևը բարձր գնահատվեց տեղի հայ գաղութի վարչության կողմից:

Մարտի վերջին,- «Ուրուգվահայ բազմամիութենական կազմակերպությունը» ուրուգվահայության անունից նամակ հղեց ՄԱԿ-ի Գլխավոր քարտուղար Քոֆի Անանին, որով պահանջվում է, որպեսզի «Մարդու իրավունքների հանձնաժողով»ի 50-ամյակի առթիվ կազմակերպված հոբելյանական նիստը դատապարտի 20-րդ դարի սկզբին տեղի ունեցած հայերի ցեղասպանությունը:

Մարտ 30,- Վենետիկի քաղաքային խորհուրդը միաձայն դատապարտեց և բանաձև ընդունեց 1915 թ. հայերի ցեղասպանության մասին, արտահայտելով իր համերաշխությունը հայ ժողովրդի՝ պատմական ճշմարտության և մարդու իրավունքների պաշտպանության ուղղված իր պայքարին:

Ապրիլ 1,- «Զորջ Վաշինգտոն» համալսարանում իր հերթական ելույթը ունեցավ Թուրքիայի դեսպան Նուզհետ Քանդեմիրը: Համալսարանի հայ, հույն և քյուրդ ուսանողական միությունների ներկայացուցիչները իրենց տեղատարափ հարցերով նեղ վիճակի մատնեցին դեսպանին: Հարցերը առնչվում էին հայոց ցեղասպանության թուրքական ուրացումներին, թուրքիայի կողմից Հայաստանի շրջափակման, կիպրոսի նվաճման և քյուրդերի հալածանքներին:

Ապրիլ 3,- Հայաստանի Հանրապետությունը ցեղասպա-

նության հանցանքը կանխարգելելու և պատժելու ՄԱԿ-ի Ռեխտի 50-ամյակի առթիվ հատուկ բանաձև ներկայացրեց Ժնևում տեղի ունեցող ՄԱԿ-ի Մարդկացին իրավունքների հանձնախմբի 54-րդ նստաշրջանին, որը մասնակից քառասուն երկրների կողմից ընդունվեց միաձայն:

Ապրիլ 10,- Հայաստանի Գիտությունների Ազգային Ակադեմիայի նախագահությունը, նախագահ՝ Ֆադեյ Սարգսյանի գլխավորությամբ ստեղծեց հատուկ կազմակերպիչ հանձնաժողով, 2000 թվականին հայոց Մեծ եղեռնի 85-ամյակը ըստ պատշաճի նշելու համար:

Ապրիլ 16-18,- Փարիզի Սորբոն համալսարանում տեղի ունեցավ հայերի ցեղասպանության նվիրված միջազգային սեմինար: Այն կազմակերպվել էր ՀՅԴ-ի ֆրանսիայի Հայ Դատի հանձնախմբի կողմից, Մեծի Տանն Կիլիկիո կաթողիկոսարանի հովանավորությամբ:

Ապրիլ 16,- Ժնևում տեղի ունեցող ՄԱԿ-ի «Մարդկացին իրավունքների հանձնախմբ»ի նիստում, Հայաստանի Հանրապետության ներկայացուցիչ Կարեն Նազարյանը պահանջեց, որպեսզի հայերի ցեղասպանությունը ճանաչվի միջազգային չափանիշներով: Նա բողոքարկեց նաև մարտի 31-ը ազերիների ցեղասպանության օր հայարելու Ադրբեյջանի անհիմն որոշումը:

Ապրիլ 17,- Արևմտյան Ամերիկայի Հայ երիտասարդաց դաշնակցության կենտրոնական վարչության մի պատվիրակություն, հայերի ցեղասպանության ճանաչման վերաբերյալ թուրքիայի կառավարության հասցեադրված հատուկ նամակը անձամբ հանձնեց թուրքիայի Լոս Անջելոսի հյուպատոս Հայրի Հայրեթ Եալավին:

Ապրիլ 18,- ՀՅԴ-յան Արևմտյան Ամերիկայի Հայ դատի հանձնախումբը և Հայ երիտասարդաց դաշնակցությունը միասնաբար նախաձեռնեցին ԱՄՆ-ի նախագահ՝ Բիլ Քինթոնին ուղղված նամակարչավ, որպեսզի պաշտոնապես ճա-

նաւչվի հայերի ցեղասպանությունը:

Հոս անջելոսի մի շաբք ենթաքաղաքներում ցուցադրվեց մի յուրահատուկ ձեռնակառք, որի վրա դրված էր մի մեծ կաթսա: Այն մարմնավորում էր 1915-ի հայ նահատակների արյամբ պատրաստված ապուրը: Հայերի ցեղասպանությունը դատապարտող այս ձեռնակառքի կողքերին գրված էր. «Approved by UN», «Justice is gained not given», «Turkish soup made with Armenian bones»: Հեղինակն էր դեղանակարիչ Զարեհ Մկրտչյանը:

Ապրիլ 20,- Կալիֆորնիայի նահանգային խորհրդարանը միաձայն ընդունեց հայերի ցեղասպանությանը վերաբերող մի բանաձև, ուր ապրիլ 24-ը հռչակվում էր Կալիֆորնիայի մեջ հայերի ցեղասպանության Ոգեկոչման օր:

Ապրիլ 22,- Երևանում, Գիտությունների Ազգային Ակադեմիայի մեծ դահլիճում տեղի ունեցավ հայ ժողովրդի մեծ բարեկամ, Գերմանիայի ականավոր հասարակական գործիչ, աստվածաբան՝ Յոհան Լեփսիուսի (1858-1926) ծննդյան 140-ամյակին նվիրված միջազգային գիտաժողով: Յոհան Լեփսիուսը առաջինն էր, որ դատապարտեց հայերի ցեղասպանությունը և ջանք գործադրեց կանխելու հայերի կոստրածները Օսմանյան կայսրությունում:

Վիեննայի քաղաքային պանթեոնի մեջ ամփոփված «Մուսա լեռան քառասում օրերը» գրքի հեղինակ, ավստրիացի գրող՝ Ֆրանց Վերֆելի շիրիմից մի բուռ հող տեղափոխվեց Շիծեռնակաբերդի հայոց ցեղասպանության զոհերի հուշարձանի պատի տակ:

Լեռնային Ղարաբաղի Հանրապետության խորհրդարանը որդեգրեց հայերի ցեղասպանությունը դատապարտող մի բանաձև, պահանջելով, որ ՄԱԿ-ը ճանաչի և դատապարտի 1915-ին թուրքիայի գործադրած հայերի ցեղասպանությունը:

Ապրիլ 23,- Արդենտինայի Սենատը ընդունեց բանաձև, դատապարտելով բոլոր տեսակի ցեղասպանություններն ու

զանգվածային ոչնչացումները: Բանաձևի նախաբանում վկայակոչվում է 1915 թ. ապրիլի 24-ին սկսված ցեղասպանությունը՝ այն որակելով որպես «Թուրքերի կողմից իրականացված 20-րդ դարի առաջին ցեղասպանություն»:

Ապրիլ 24,- Հոս Անջելոսում Թուրքիայի հյուպատոսության առջև տեղի ունեցավ ՀՅԴ-յան կազմակերպած ցույցը: 1500 հայորդիներ բողոքեցին ընդունված 1915-ի հայոց ցեղասպանության և պահանջեցին, որպեսզի Թուրքիան ճանաչի այն:

Սան Ֆրանցիսկոյի Դեյվիդսոն լեռան վրա գտնվող հսկախաչի շուրջ, որը դարձավ հայության սեփականությունը, առաջին անգամ կատարվեց Մեծ եղեռնի զոհերի հիշատակին նվիրված սգատոն:

Նյու Յորքի քաղաքապետարանում տեղի ունեցավ հայերի ցեղասպանության զոհերի հիշատակին նվիրված միջոցառում: Մի շարք ելույթներից հետո ընդունվեց հատուկ որոշում, ըստ որի ապրիլ 24-ը Նյու Յորքում պաշտոնապես հայտարարվեց Հայերի ցեղասպանության օր:

Մայիս 3,- Ալեքսանդրիա քաղաքի (Եգիպտոս) գերեզմանատանը տեղի ունեցավ Սերոբ Աղբյուրի կողակից և ազգային հերոսուհի Սոսե Մայրիկի (Սոսե Վարդանյան) աճյունները Երևան տեղափոխելու արարողությունը, որպեսզի իր վերջնական հանգրվանը գտնի Եռաբլուրի մայր հողում:

Մայիս 16,- Հոս Անջելոսի UCLA համալսարանում «Պատմական Հայաստանի քաղաքներն ու նահանգները» խորագրի տակ տեղի ունեցավ միջազգային երրորդ գիտաժողովը: Զեկույցումները նվիրված էին պատմական Հայաստանի Խարբերդ-Ծոփք շրջանին: Գիտաժողովը կազմակերպել էր համալսարանի Հայ ժողովրդի պատմության ամբիոնի վարիչ՝ Պրոֆ. Ռիչարդ Հովհաննիսյանը:

Մայիս 18,- Ավստրալիայի Նյու Սաութ Վելս նահանգի խորհրդարանը պաշտոնապես ընդունեց հայերի ցեղասպանությունը, ապրիլ 24-ը հոչակելով «Հայերի ցեղասպանության

Մայիս 29,- Ֆրանսիայի Հանրապետության Ազգային ժողովը պաշտոնապես ճանաչելով հայերի ցեղասպանությունը ընդունեց հետևյալ բանաձևը. «Ֆրանսիան հրապարակայնորեն ճանաչում է 1915-ի հայերի ցեղասպանությունը»:

Մայիս 29-30,- ՀՅԴ-յան Լիբանանի Հայ դատի մարմնի և Քյուրդիստանի աքսորական խորհրդարանի կազմակերպությամբ տեղի ունեցավ միջազգային գիտաժողով՝ «Թուրքիայի ծավալապաշտական քաղաքականության վտանգները» թեմայով։ Ընդունված բանաձևում շեշտվում էր. դադարեցնել քյուրդ ժողովրդի հալածանքները և արդար լուծում տալ քրդական հարցին։ Բանաձևում նշված էր նաև՝ «Պահանջել թուրքիայից, որպեսզի պաշտոնապես ճանաչի հայերի ցեղասպանությունը, վերադարձնի գրավյալ հողերը և վնասի հատուցում կատարի հայության, որոհետև ինքը ժառանգորդն է հայերի ցեղասպանությունը գործադրած Օսմանյան կայսրության»։

Հունիս 13,- ԱՄՆ-ի Օրեգոն նահանգի Փորտլենդ քաղաքի համալսարանում, շրջանավարտների հանդիսության ընթացքում, տեղի ունեցավ հայ ուսանողների բողոքի ցուց՝ թրքական ամբիոնի ստեղծման դեմ։ Ներկա էր նաև ԱՄՆ-ի նախագահ Բիլ Քլինթոնը։

Հունիս 16,- Եվրոպի ուրիշ պետություններում գործություն ունեցող հայություններու առաջարկեցին օրակարգի վրա իրրե «ատիպողական հարց» բերել նաև հայերի ցեղասպանության ճանաչման հարցը։ Զայների մեծամասնությունը չապահովելու պատճառով, առաջարկը չընդունվեց։

Հունիս 24,- Լիբանանում իր մահկանացուն կնքեց Հայ դատի անխոնջ պաշտպան, արաբ իրավաբան Մուսա Փրենալ։ Նա հայտնի էր հայերի ցեղասպանության նվիրված իր բազմաթիվ ուսումնասիրություններով։

Հունիս 25,- Շվեյցարիայի հայկական համայնքի ջանքե-

ըով, սոցիալիստ սլատգամավոր ժան Զիգլերի կազմած հատուկ բանաձևը՝ հայերի ցեղասպանության ճանաչման մասին, ներկայացվեց Շվեյցարիայի խորհրդարանի. քննարկմանը:

Հունիս 30,- Պաշտոնական այցով Հայաստան ժամանեց Արգենտինայի նախագահ Կարլոս Մենեմը: Կառավարական հանդիպումների ընթացքում նա այցելեց նաև Միծեռնակաբերդի Եղեռնի հուշամալիրը և ծաղկեպսակ զետեղելով՝ մեկ րոպե լրությամբ հարգեց զոհերի հիշատակը:

Օգոստոս 1,- Միչիգանի (ԱՄՆ) Սառնթֆիլդ շրջանի Ա. Հովհաննու եկեղեցում տեղի ունեցավ խորհրդաժողով՝ «Հայերի ցեղասպանությունը և Թուրքիայի ուրացումները» խորագըրով: Այն կազմակերպված էր Միչիգանի համալսարանի հայկական ուսումնասիրությունների կենտրոնի կողմից:

Օգոստոս 10,- Մասաչուսետս նահանգի (ԱՄՆ) կառավարիչի պաշտոնակատար՝ Փոլ Սելուչին ստորագրեց մի օրենք, որը նախատեսում է իռլանդիայի մեծ սովի, հայերի ցեղասպանության և հրեական ողջակիզման վերաբերյալ դասավանդություններ մտցնել նահանգի ուսումնական ծրագրի մեջ:

Օգոստոս 12,- Հայաստանի, Կիպրոսի, Բուրունդիի, Ռուսանդայի և Ռուանդայի ներկայացուցիչները ՄԱԿ-ի ընդհանուր քարտուղար՝ Քոֆի Անանին հատուկ նամակ հղեցին, որպեսզի սեպտեմբեր 9-ի ՄԱԿ-ի ընդհանուր ժողովում նշվի 1948 թ. ստորագրված ցեղասպանության Ռւխտի 50-ամյակը:

Օգոստոս 21,- 38-րդ անգամ Հայաստան այցելած Մեծ Բրիտանիայի խորհրդարանի Լորդերի Պալատի փոխ-խոսնակ Բարոնուհի Քարոլայն Քոքսը Երևանում կայացած մամլուսությունի ընթացքում հայտարարեց, որ իր կողմից Մեծ Բրիտանիայի կառավարության առջև բարձրացվել է հայերի ցեղասպանության հարցը:

Սեպտեմբեր 25,- Հայաստանի Հանրապետության նախագահ Ռոբերտ Քոչարյանը ՄԱԿ-ի 53-րդ նստաշրջանում ելույթ ունենալով, կոչ ուղղեց միջազգային համայնքին՝

ճանաչելու հայերի ցեղասպանությունը, որպեսզի կանխվի նմանօրինակ ողբերգությունների կրկնությունը աշխարհում:

Հոկտեմբերի սկիզբ,- ԱՄՆ-ի Տեխաս նահանգի էլ Բասո քաղաքի հրեական ողջակիզման թանգարանում, Հայկական Ազգային ինստիտուտի նախաձեռնությամբ բացվեց 1915-1923 թթ. հայերի ցեղասպանության նվիրված մշտական բաժին, «Աշխարհը չի մոռացել» խորագրով:

Հոկտեմբեր 4,- Մոնրեալի «Մարսելն Վիլսոն» հանրային պարտեզում տեղի ունեցավ ցեղասպանության զոհերին նվիրված հուշակոթողի բացումը: Հուշատախտակներից մեկի վրա արձանագրված է. «1915-ի Հայոց ցեղասպանության 83-րդ տարելիցի առթիվ, որին զոհ գնացին 1,5 միլիոն հայեր, ձոնում ենք այս հուշարձանը ցեղասպանությունների բոլոր զոհերին և բոլոր քաղաքացիները հրավիրում ենք հանձնառության՝ հանուն հանդուրժողականության և ընկերային համերաշխության: Սույն ճանաչումը համապատասխանում է մարդու իրավունքների հայտարարության ոգուն»:

Կանադայում հայերի ցեղասպանությանը նվիրված առաջին հուշարձանը կանգնեցվել է Թորոնթոյում 1984-ին:

Հոկտեմբեր 9,- Ավստրիայի մայրաքաղաք Վիեննայի «Շիլեր» հրապարակում տեղի ունեցավ հայ ժողովրդի բարեկամ, «Մուսա լեռան քառասուն օրերը» վեպի հեղինակ՝ Ֆրանց Վերֆելի հուշարձանի բացումը:

Հոկտեմբեր 25,- «Արարատ Էսկիջյան» թանգարանի հովանավորությամբ, Լոս Անջելոսի Արարատ Տան Շին մատուրին մեջ հոգեհանգատյան պաշտոն կատարվեց, ուր հողին հանձնվեցին 1915-ի ցեղասպանության զոհ գնացած անմեղ զոհերի աճյունները. Սիրիայի Տեր-Զորի անապատից հավաքել է հայ զբոսաշրջիկների խումբը Արմեն Արոյանի գլխավորությամբ:

Նոյեմբեր 14-15,- Լոս Անջելոսի UCLA համալսարանում «Պատմական Հայաստանի քաղաքներն ու նահանգները» խո-

ըագրի տակ տեղի ունեցավ միջազգային չորրորդ գիտաժողովը: Զեկուցումները նվիրված էին պատմական Հայաստանի կարին-էրզրում նահանգին: Գիտաժողովը կազմակերպել էր համալսարանի Հայ ժողովրդի պատմության ամբիոնի վարիչ՝ Պրոֆ. Ռիչարդ Հովհաննիսյանը:

Դեկտեմբեր 2,- ՄԱԿ-ի Գլխավոր համաժողովի 53-րդ նստաշրջանը միաձայն ընդունեց «Ճեղասպանության կանխարգելման և պատժման Ռւխտի 50-ամյակի» առթիվ Հայաստանի ներկայացրած ցեղասպանության դատապարտման բանաձելը:

Դեկտեմբեր 7,- Լու Անջելոսի Գավառի նորընտիր Շերիֆ Լի Բաքա, իր երդումի արարողությունից հետո այցելեց Մոնթելլոյի հայ նահատակների հուշարձանը իր հարդաճի տուրքը մատուցելու Մեծ եղեռնի զոհերին:

Դեկտեմբեր 12,- «Հայոց ցեղասպանությունից վերաբրածների բարեգործական միություն»ը հատուկ ուղերձով դիմեց Հայաստանի Հանրապետության նախագահ՝ Ռոբերտ Քոչարյանին: Բարձր գնահատելով ՄԱԿ-ի 53-րդ նստաշրջանում հայերի ցեղասպանության դատապարտման նրա ելույթի հիմնադրույթները, վերապրողները հարց հարուցեցին, որպեսզի նախքան 20-րդ դարի ավարտը ՄԱԿ-ը հատուկ ուշադրություն դարձնի Հայ դատի արդար լուծման:

Դեկտեմբեր 28,- Լույս տեսավ գերմաներեն նոր հանրագիտարան (420 էջ) Պրոֆ. Կուննար Հայնսոնի հեղինակությամբ, ուր տարբեր ենթավերնագրերի տակ (այդ թվում՝ «Աբդուլ Համիդ», «Երիտթուրքեր», «Քյուրղեր», «Էնվեր», «Թալեաթ», «Թուրքիա», «Ռուսաստան» և այլն) մանրամասն խոսվում է հայերի ցեղասպանության մասին: Պրոֆ. Կուննար Հայնսոն Բրեմենի համալսարանի Ռաֆայել Լեմգինի անվան ինստիտուտի տնօրենն է (Գերմանիա):

1999 թ.

Հունվար 7,- Հենրի Մորգենթաուի գերեզմանից մի ըուռ

Հող վերցվեց, որպեսզի ապրիլին ամփոփվի Երևանի Շիծեռ-նակաբերդի Մեծ եղեռնի զոհերին նվիրված հուշակոթողի պատի տակ: Մեծ մարդասեր Հենրի Մորգենթաուն 1913-1917 թթ. ԱՄՆ-ի դեսպանն էր Թուրքիայում: Նա առաջիններից մեկն էր, որ աշխարհով մեկ բողոքեց հայերի կոտորածների մասին:

Հունվար 28,- Սփյուռքահայ (ԱՄՆ) բարեգործ Սավի Թյուֆենկյանը Հայաստանի պատմության թանգարանին հանձնեց 1915-ի Վանի ինքնապաշտպանության մարտերի ձեռագիր քարտեզը: Այս հազվագյուտ քարտեսը պատկանում էր Վանի ինքնապաշտպանության մարտերի մասնագետ Միսաք Սիմոնյանին:

Հունվար 30,- Իրանի իսլամական խորհրդարանի նիստի ընթացքում, խորհրդարանի հայ պատգամավորներ՝ Վարդան Վարդանյանը և Արտավազդ Բաղումյանը, բողոքարկելով թուրքական խորհրդարանի մի պատվիրակության ներկայությունը, լքեցին դահլիճը: Նրանք պատճառաբանեցին, որ թուրքական պատվիրակությունը հանդիսանում է հայ ժողովրդի նկատմամբ ցեղասպանություն գործադրած երիտ-թուրքերի ժառանգորդը:

Փետրվարի սկիզբ,- Հայաստանի արտաքին գործերի նախարար Վարդան Օսկանյանը, նկատի ունենալով, որ Ադրբեջանցիները աստիճանաբար ոչնչացնում են Նախիջևանի տարածքում գտնվող հին Զուղայի շիրմաքարերն ու Խաչքարերը դիմեց ՅՈՒՆԵՍԿՕ-ի նախագահ Ֆեղերիկ Մայորին, որպեսզի կտրուկ միջոցներ ձեռնարկվեն ոչնչացումից փրկելու միջնադարյան հազվագյուտ հուշարձանները:

Փետրվար 15,- Կանադայի խորհրդարանը առանց վերջնական արդյունքի քննարկեց հայերի ցեղասպանության ճանաչման հարցը, որը օրակարգի նյութ էր դարձել Աքարբորո-իկին-Քորա Հրանների երեսփոխան Զիմ Լարիկիաննիսի կողմից:

Փետրվար 17,- Զորջիա (ԱՄՆ) նահանգի ծերակույտը
բանաձև ընդունեց ապրիլ 24-ը հռչակելով հայերի ցեղասպա-
նության գոհերի հիշատակի օր:

Ամերիկահայ Դեմոկրատ ղեկավարության խորհրդի
ներկայացուցիչները Սպիտակ Տան մեջ տեսակցեցին նախա-
դահ՝ Բիլ Քլինթոնի հետ: Զրուցի ընթացքում մատնանշվեց
հայերի ցեղասպանության ճանաչման և Արցախի ինքնորոշ-
ման իրավունքին զորակցելու անհրաժեշտությունը:

Մարտ 1,- Կանադայում Հայաստանի դեսպան Լևոն
Բարխուդարյանը, խորհրդարանում հայերի ցեղասպանու-
թյան հարցը քննարկելու կապակցությամբ (տես՝ փետրվար
15), հանդիպում ունեցավ Կանադայի արտաքին գործերի
նախարարության ներկայացուցիչ Ջեյմս Ռայթի հետ: Այլ
հարցերի հետ դեսպանը Հայաստանի կառավարության
անունից հայտնեց, որպեսզի Կանադան զորակցի հայերի
ցեղասպանության միջազգային հանրության կողմից պաշտո-
նական ճանաչումի գործընթացին:

Մարտ 5,- Ավստրալիայի Նյու Սաութ Վելս նահանգի
խորհրդարանի շրջաբակում տեղի ունեցավ հայերի ցեղաս-
պանության հուշարձանի բացումը, որը կատարեց նահանգի
վարչապետ Պապ Քարը:

Մարտ 10,- Կալիֆորնիայի Բլրկլիի համալսարանի հայ
ուսանողական խորհուրդը հատուկ բանաձևով Ակադեմիական
Ծերակույտից պահանջեց, որպեսզի թուրք դասախոս Համիդ
Ակարեն հրապարակային ներողություն խնդրի: 1998-ի ապ-
րիլ 24-ի Մեծ եղեռնի ողեկոչման երեկոյին նա անարդանքի
արտահայտություն էր կատարել հայ ուսանողներին, հերքելով
և ուրանալով հայերի ցեղասպանությունը:

Մարտ 16,- Հայաստանում Ռումինիայի դեսպան՝ Պավել
Պլատոնան ծաղկեպսակ դրեց Միծեռնակաբերդի Մեծ եղեռնի
հուշակոթողին:

Մարտ 23,- Հայաստանի Հանրապետությունում Գերման-

իայի ղետպան՝ Տիկ. Կարոլա Մյուլեր Հոլդքեմփերը ՀՀ նախագահ Ռոբերտ Քոչարյանին հանձնեց Գերմանիայի արտաքին գերատեսչության արխիվում պահպող 1889-1920 թթ. փաստաթղթերի և վավերագրերի մանրապատճենները, որոնք նոր լույս կտուեն հայերի ցեղասպանության ուսումնասիրության և ճանաչման ինդրում:

Մարտ 24,- Վատիկանի թանգարանի «Սիքստինյան» սրահում բացվեց «Հայաստան-Հռոմ, 2000 տարվա հարաբերություններ» խորագրով հայ մշակույթի և պատմության ցուցահանդեսը: ՀՀ նախագահ Ռոբերտ Քոչարյանը իր բացման խոսքով առաջ քաշեց հայերի ցեղասպանության ճանաչման անհրաժեշտությունը:

Ֆրանսիայի հանրապետության Մերակույտի նախագահական խորհուրդը որոշեց օրակարգի առաջին նիստերում չքննարկել 1998 թ. մայիսի 29-ին Ազգային ժողովի կողմից միաձայն ընդունված 1915 թ. հայերի ցեղասպանության ճանաչման վերաբերող օրինադիմը:

Ապրիլ 3,- Լոս Անջելոսի Հայ երիտասարդաց դաշնակցության կենտրոնական վարչության նախաձեռնությամբ սկսվեց հայերի ցեղասպանությունը դատապարտելու ԱՄՆ-ի նախագահ՝ Բիլ Քլինթոնին հասցեագրված քարտերի արշավ:

Ապրիլ 10,- Փարիզում տեղի ունեցավ ՄԱԿ-ի ցեղասպանության կանխարգելման և պատժումի Ուխտի վերաբերյալ մեկ օրվա հանդիպում: Հանդիպումը առնչվում էր հուլիս 17, 1998 թ. Հռոմում կայացած ՄԱԿ-ի համագումարի՝ մարդկության դեմ գործադրված ոճիրները պատժելու մնայուն ատյան ստեղծելու որոշման գաղափարի հետ:

Ապրիլ 14,- Լրացավ 1909 թ. ապրիլի սկզբին Աղանայում և Կիլիկիայի հայաբնակ վայրերում տեղի ունեցած կոտորածների 90-րդ տարելիցը: Այդ եղեռնական ողբերգությանը զոհ դնաց մոտ 30 հազար հայ, որից ավելի քան 20 հազարը՝

Աղանայի նահանգում:

Ապրիլ 23,- Հայ երիտասարդաց դաշնակցությունը Լոս Անջելոսի թուրքական հյուպատոսարանի առջև կազմակերպեց ցուց պահանջելով, որ թուրքիան ճանաչի հայերի ցեղասպանությունը:

Ապրիլ 24,- Ֆրանսիայի Լիոն քաղաքից սկսվեց Հայոց Մեծ եղեռնին նվիրված ահազանգի մեծ քայլարշավը, որն ավարտվեց մայիսի 11-ին Փարիզի Ալֆորվիլի շրջանում: Ճանապարհին քայլարշավին միացան հարյուրավոր հայեր և ֆրանսիացիներ: Մասնակիցներին դիմավորեցին քաղաքապետ Ռընե Ռուքեն և այլ բարձրաստիճան պաշտոնատար անձինք: Այնուհետև քայլարշավի մասնակիցները հոծ բազմությամբ ծաղկեպսակ զետեղեցին «Աշտարակ» հրապարակում գտնվող խաչքարին:

Մայիս 12,- Հայաստանում գտնվող Հունաստանի նախագահ Կոստանտինոս Ստեփանովուլոսը ծաղկեպսակ դրեց Ծիծեռնակաբերդի Մեծ եղեռնի զոհերի հուշակոթողին:

Մայիս 19,- Ծիծեռնակաբերդի Մեծ եղեռնի հուշամամուրի մոտ առաջին անգամ պաշտոնապես նշվեց Պոնտոսի (Աւ Ծովի հարավային ծովեղբյա մասը) կես միլիոն հույների ցեղասպանության օրը, մասնակցությամբ Հայաստանի հույն համայնքի և հայության ու Հայաստան-Հունաստան Ընկերության ներկայացուցիչի (հույների կոտորածը սկսվել էր 1916 թ. մայիսի 19-ին):

Հունիս 5,- Ֆրանսիայի Գրենուրլ քաղաքի քաղաքապետարանի առջև բացվեց հայերի ցեղասպանության զոհերի հիշտակին նվիրված խաչքար-հուշարձան:

Հունիս 29,- Կալիֆորնիայի նահանգապետ Կրեյ Տեյվիսը հաստատեց 1999-2000 տարեշրջանի ամավարկը, ուր ընդգրկված է նաև հայերի ցեղասպանության նվիրված վավերագրական շարժապատկերի պատրաստության (463 785 դոլար) և ցեղասպանության դասավանդման ծրագիրը ար-

Դիականացնելու (99 000 դոլար) առաջարկները:

Հուլիս 16,- ԱՄՆ-ի նախագահության հանրապետական թեկնածու էլիգապեթ Տոլ հայտարարեց, որ «Հայերը այս դարասկզբի ցեղասպանության գոհերն են»:

Հուլիս 20,- Պաշտոնական այցով Երևանում գտնվող ֆրանսիայի Շերակույտի նախագահ՝ Քրիստիան Փոնսըլենը իր պատվիրակությամբ այցելեց և ծաղկեպսակ դրեց Ծիծեռնակաբերդի Մեծ եղեռնի հուշահամալիրին:

Օգոստոս 20,- Կալիֆորնիայի նահանգային ծերակուտական՝ Ատամ Շիֆը հատուկ նամակով իր զորակցությունը հայտնեց «Հայկական ֆիլմ» հաստատության, որպեսզի պատրաստվի հայերի ցեղասպանության վերաբերող վավերադրական շարժանկար:

Մեպտեմբեր,- Գերմանիայում ընակվող 11 247 թուրքերի ստորագրությամբ խնդրագիր ներկայացվեց Թուրքիայի Ազգային Մեծ ժողովին, որպեսզի ճանաչվի հայերի ցեղասպանությունը: Խնդրագրի պատճենները առաքվեցին նաև աշխարհի ավելի քան 20 երկրների կառավարություններին և այլ միջազգային կազմակերպություններին:

Նոյեմբեր,- Գերմանիայի ֆրանկուրդ քաղաքում գտնվող «Ցեղասպանության դեմ կազմակերպության» նախագահ՝ Ալի Էրթեմը 1915 թ. հայերի կրած վնասի համար 300 դոլար նվիրեց Ծիծեռնակաբերդի Ցեղասպանության թանգարանին: Նա պարտավորվեց մինչև իր կյանքի վերջը ամսական 25 դոլար հատկացնել թանգարանին, կոչ անելով նաև, որ իր հայրենակիցները հետևեն իր օրինակին:

Նոյեմբեր 4,- Հայ դատի հանձնախումբը հրապարակեց հայերի ցեղասպանության ճանաչումը պահանջող մեկ միլիոն բացիկներ: Դրանք ամերիկահայերի կողմից հասցեադրվելու են ամերիկյան նախագահական ընտրությունների 5 թեկնածուներին, որպեսզի զորավիրտ կանգնեն Ամերիկայի Միացյալ Նահանգների կողմից հայերի ցեղասպանության ճանաչման

և դատապարտման խնդրին:

Նոյեմբեր 13-14,- Լոս Անջելոսի UCLA համալսարանում «Պատմական Հայաստանի քաղաքներն ու նահանգները» խորագրի տակ տեղի ունեցավ միջազգային գիտաժողով։ Զեկուցումները նվիրված էին Պատմական Հայաստանի Տիգրանակերտ (Դիարբեքիր) և Եղեսիա (Ուրֆա) շրջաններին։ Գիտաժողովը կազմակերպել էր համալսարանի Հայ ժողովրդի պատմության ամբիոնի վարիչ՝ Պրոֆ. Ռիչարդ Հովհաննիսյանը։

Նոյեմբեր 19,- Ստամբուլում տեղի ունեցած ԵԱՀԿ-ի գերաստիճանին Հայաստանի նախագահ Ռոբերտ Քոչարյանը իր ելույթի ընթացքում մատնանշեց. «Մենք չենք կարող մոռանալ մեր ժողովրդի պատմության ողբերգական էջերը և ցեղասպանության նրա կրած ցավը»։

Նոյեմբեր 22,- Հայերի ցեղասպանությունից վերապրող 84-ամյա Մարթին Մարությանը դատական հայց ներկայացրեց New-York Life ապահովագրական ընկերության դեմ, պահանջելով Յ միլիառի վնասի հատուցում տալ այն հայերին, որոնք որպես Օսմանյան կայսրության հպատակ, ապահովագրական հաշիվ ունենալով այդ ընկերության մեջ, զոհ են դնացել երիտթուրքերի կազմակերպած ցեղասպանության։ Մարթին Մարությանի իրավաբանն է Վարդգես Եղիացանը։ Հայկական ցեղասպանության այդ դատին, եղեռնից վերապրող հայցվորների թիվը աստիճանաբար շատանում է։

Նոյեմբեր 24,- Ալեքսանդրետ քաղաքի մուտակայքում գտնվող Քըրըք-Խանի Ս. Գրիգոր Եկեղեցին բռնադրավվեց տեղի թուրքական իշխանությունների կողմից։

Նոյեմբեր 29,- ԱՄՆ-ի նախագահական դեմոկրատիկ թեկնածու Բիլ Բրետլի New Hampshire նահանգի Տերի քաղաքում մի հայտարարությամբ կոչ ուղղեց թուրքիային, որ նա դադարի ուրանալ հայերի ցեղասպանությունը։ Նա պնդեց, որ թուրքիայի ներկա կառավարությունը պետք է

ընդունի 1915-1923 թթ. հայերի նկատմամբ գործադրված տեղահանություններն ու ջարդերը:

Դեկտեմբեր,- «Հայոց ցեղասպանության այժմեականությունը» խորագրով լույս տեսավ 1998 թ. ապրիլին Հայ դատի Պաշտպանության հանձնախմբի կողմից Ֆրանսիայի Սորբոնի համալսարանում կազմակերպված հայերի ցեղասպանության նվիրված միջազգային գիտաժողովի նյութերը:

Դեկտեմբեր 1,- Բուլղարիայի Հանրապետության նախագահ՝ Պյոտր Ստոյանովը երևան կատարած իր պաշտոնական այցելության ընթացքում ծաղկեալ դրեց Ծիծեռնակաբերդի Մեծ եղեռնի հուշարձանին: Իսկ ցեղասպանության թանգարանի մատյանում արձանագրեց. «Խոնարհվում եմ հայ ժողովրդի տառապանքի և հերոսության առջև, որ հայ ազգի պատմության հիմքն են կազմել: Հպարտ եմ, որ իմ ժողովուրդը ապաստան տվեց ու նեցուկ կանգնեց հայրենիքից վտարված հայերին և որ մեծագույն բուլղար բանաստեղծը հայ ժողովրդի մասին դրեց. «Հնդմիշտ հերոս տանջահար ժողովուրդ»:

Դեկտեմբեր 9,- Հայկական հարցերի հաստատության նախագահությունը նախաձեռնեց կազմել Մեծ եղեռնի զոհերի անվանացանկը, ինչպես նաև հայության կրած վնասների ցուցակը: Հաստատությունը դիմեց Հայաստանի և Սփյուռքի համայն հայության, որպեսզի զոհերի անունները և նրանց լքյալ գույքերի ստացականների պատճենները ուղարկվեն հետևյալ հասցեներով.

Հայաստանից և ԱՊՀ-ի երկրներից ուղարկել՝

Հայկական հարցերի հաստատություն

Հանրապետության փող. թիվ 30

Երևան- 375019

Ափյուռքից ուղարկել՝

Institut fur Armenische Fragen e. v.

Steinsdorf Str. No. 20

80538 Munchen- Germany

2000 թ.

Ստոկհոլմում տեղի ունեցավ ցեղասպանության վերաբերյալ միջազգային համաժողով 48 երկրների մասնակցությամբ։ Համաժողովում չքննարկվեց 1915 թ. հայերի ցեղասպանությունը։ Հայաստանի պատվիրակության հրավեր չուղարկելու պատճառով եղան բազմաթիվ բողոքներ։ Հատկանշական է, որ մի շարք օտարազգի ակնառու գործիչներ իրենց ելույթներում կանդ առան և հիշեցրին հայերի ցեղասպանության մասին։

Փետրվար 9,- վիրջինիայի նահանգի (ԱՄՆ) խորհրդարանը միաձայն որդեգրեց մի բանաձև, 2000 թ. ապրիլ 24-ը հայտարարելով «1915-1923 թթ. հայերի ցեղասպանության հիշատակության օր»։

Փետրվար 16,- ԱՄՆ-ի կոնգրեսականներ Զորջ Ռադանովիչը, Բրեդ Շերմանը և Սամվել Գեյդոնսոնը, կոնգրեսում գումարված նիստի ընթացքում Պետական քարտուղար Մատլեն Օլբրայթին հարց հարուցեցին, որպեսզի ԱՄՆ-ը ճանաչի հայերի ցեղասպանությունը։

Փետրվար 20- Ազգային հերոս զորավար Անդրանիկի աճյունը Փարիզի Փերլաշեզ դերեզմանատնից տեղափոխվեց Հայաստան և հողին հանձնվեց Երևանի եռաբլուրի բարձունքում։

ԾԱՆՈԹԱԳՐՈՒԹՅՈՒՆ

Սույն գիրքը տպարան հանձնելու նախօրյակին մամուլում հաղորդումներ եղան, որ աշխարհի հայանոծ բոլոր գաղութներում, ինչպես նաև Հայաստանում նախապատրաստություններ են կատարվում Մեծ Եղեռնի 85-ամյա տարելիցը ըստ պատշաճի նշելու և հարգելու 1915 թ. ամսեղ զոհերի հիշատակը։

Հայաստանում քրիստոնեության պետական կրոն

Հոչակման 1700-ամյակի և հայերի ցեղասպանության 85-րդ տարելիցի առթիվ Բերիո Թեմի ազգային առաջնորդարանը (Հալեպ) ապրիլի 22-27 կազմակերպելու է ուխտագնացություն դեպի Տեր-Զոր:

Մայիսին Բոստոնից (ԱՄՆ) Հայաստան է տեղափոխվելու հայոնի ռազմական և քաղաքական գործիչ Դրոյի (Դրաստամատ Կանայան) աճյունը:

Միջազգային խորհրդարաններում և այլ պաշտոնական կազմակերպություններում կրկին քննարկման նյութ դարձավ հայերի ցեղասպանության ճանաչման ու դատապարտման հարցը: Օր. Ֆրանսիայի Մերակույտի խմբակցության կողմից նախատեսվեց մարտի 9-ին Ֆրանսիայի խորհրդարանում քննարկել հայերի ցեղասպանության վերաբերյալ բանաձեռ:

ՓԱՓԱԶՅԱՆ ԱՎԵՏԻՄ

ԺԱՄԱՆԱԿԱԳՐՈՒԹՅՈՒՆ Հայկական հարցը և Մեծ Եղեռնը (1876-2000)

Դրատարակչությանս տնօրեն Սուկրատ Մկրտչյան
Դրատարակչական խմբագիր՝ Մաշա Մնացականյան
Գեղ. խմբագիր և նկարիչ՝ Արա Բաղդասարյան
Սրբագրիչ՝ Վահան Բահարյան
Շապիկի համակարգչ. ձևավորումը՝ Գրիգոր Հարությունյանի
Համակարգչային շարվածքը՝ Վահան Բահարյանի

Տպագրությունը օֆսեր
Չափսը՝ 60x84 1/16
Թուղթը՝ օֆսեր 1
Ծավալը՝ 3 տպ. մամուլ
Տպաքանակը՝ 500 օրինակ
Գինը՝ պայմանագրային



«Զանգակ-97» հրատարակչություն,
Երևան, Մարշալ Բաղրամյան պողոտա 3, հեռ. 56-30-82:
E-mail: zangak@arminco.com.

Տպագրված է «Զանգակ-97» հրատարակչության տպարանում.
Երևան, Վարդանանց փակուլի 8, հեռ. 54-05-17: